



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Eusebio Episcopo Samosatensi. Capvt XIII.

urn:nbn:de:hbz:466:1-12704

THEODOR. HISTOR.

pastoribus orbatas intellexisset, habitu militari indutus, & capite tiara operto, Syriam, Phœniciam, & Palæstinā peragravit, quò tum præsbyteros & diaconos crearet, tum alia Ecclesiastica obiret officia. Quòd si quando in Episcopos secum doctrina consentientes incidebat, eos Ecclesiis, quæ carebant pastoribus, præfecit.

De Eusebio Episcopo Samosatensi.

CAPVT XIII.

IAM verò quantam animi magnitudinem quantamque sapientiam idem Eusebius demonstrarit, cum edictum Imperatorium, quo iubebatur in Thraciam proficisci, ad eum esset perlatum, arbitror his, qui eius rei ignari sunt, pernecessarium ad cognoscendum. Sub crepusculum enim venit nuntius, qui hoc edictum afferebat: quem Eusebius tacere, & causam aduentus occultare iubet. Nam si plebs, inquit, studio pietatis educata intellexerit, te demerget in flumen, & à me certe pœnæ tuæ mortis expetentur. Hæc locutus, & vespertino precum ministerio de more perfunctus, tempore, quo somnus solet obrepere, senex solus, fide vnus famuli fretus, ex vrbe egreditur. Sequitur famulus, ceruical tantum & librum secum deportans. Cum autem ventum est ad ripas fluminis. (Nam muros vrbs præterlabebatur Euphrates) conscensa naue, iubet remiges recta traicere Zeugma. Vbi illuxit dies, iste Zeugma appulit: Samosata querelis & luctu redundarunt. Nam eius discessu per famulum illum qui necessariis Eusebij quædã exposuerat mandata, & quinam essent eum comitaturi, qui etiam libri vnà exportandi, indicauerat, patefacto, omnes se pastore orbatum lamentabatur. Itaque frequentes per flumen nauigare quò eum quærant, cœperunt. Atque vt primum ad eum veniunt, videntque pastorem suum desideratum, conqueri, gemere, & ingentem vim lachrymarum fundere, quo persuadeant ei, vt apud ipsos maneat, & minime sinat oues lupis tradi. Verum cum persuadere nõ possent, audiuissetque eum recitantem præceptum apostoli, quò perspicuè iubemur magistratibus & potestatibus obtemperare, pars aurum, pars argentum, vestem alij, alij famulos

mulos ei offerunt, utpote in regionem peregrinam, & longe illinc sitam profecturo. Ille autem paucis quibusdam rebus ab his, qui erant familiaritate coniunctiores, acceptis, ubi omnes tum doctrinæ, tum precationis armis communiuerat, & magnopere cohortatus fuerat, uti dogmata apostolica viriliter propugnarent, ad Istrum contendit. Illi ad urbem suam reuersi, se ipsi mutuò excitare, & luporum incursionses fortiter depellere nituntur.

De piissimo Samosatensium & Antiochi presbyteri & Euolcy Diaconi zelo.

CAP. XIII.

ATque hoc loco ardentem & sinceram eorum fidem exponam, quandoquidem iniuriam me illis facturum censerem, si ea non scriptis ad memoriam sempiternam proderetur. Postea verò quam Arriani gregem pastore longe optimo priuarant, & alterum in eius surrogant locum, nemo ex urbis incolis, vel presus ægestate, vel diuitiis affluens, famulus vel artifex, agricola vel consitor, vir vel mulier, iuuenis vel senex, ad conuentum ecclesiasticum, ut moris erat, accedere voluit, sed episcopus solus agebat: quippe nemo aut in eius venit conspectum, aut cum eo sermonem contulit, licet diceretur vitam apud eos valde modestè instituisse. Cuius rei hoc erit argumenti, quod sum iam dicturus. Cum ei in animo esset se in balneo lauare, famuli, quò ingredi cupientes prohiberent, fores balnei ocluserunt: at ille, ubi videt multitudinem pro foribus stantem, fores aperiri, & omnes audacter se in balneo unà lauare iubet. Idem quoque præstitit in interiore balneo testudineato. Nam cum sibi lauanti multos astare cerneret, mandat ut fruantur unà aquis calidis. Illi autem taciti consistebant. At iste eos honoris causa ita stare arbitratus, surgens ocyus, egreditur e balneo. Illi verò aquam hæreticæ nequitie contagione infectam esse rati, eam in cloacam emittunt, nouamque sibi infundi imperant. Qua re cognita, iste vrbe relicta, abiit. quippe stultitiæ, imo verò summæ dementiæ putauit esse, urbem infestam, & communem simultatem erga ipsum exercentem incolere. Quapropter ubi Eunomius (ita enim vocabatur) Samosata reliquerat, tamen si Lucium in eius locum

MM

sufficie